



**PEKELILING PENTADBIRAN
BILANGAN 12 TAHUN 2014**

**MAJLIS ANUGERAH PERKHIDMATAN CEMERLANG
DAN ANUGERAH SANJUNGAN UNIVERSITI 2014,
UNIVERSITI TEKNIKAL MALAYSIA MELAKA**

Pejabat Pendaftar
28 Mei 2014

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 4 (4)

28 MEI 2014

PEKELILING PENTADBIRAN BIL. 12/2014

MAJLIS ANUGERAH PERKHIDMATAN CEMERLANG DAN ANUGERAH SANJUNGAN UNIVERSITI 2014, UNIVERSITI TEKNIKAL MALAYSIA MELAKA

1.0 TUJUAN

Pekeliling Pentadbiran ini bertujuan memaklumkan kepada pengetahuan semua staf Universiti bahawa pihak Universiti telah bersetuju untuk mengadakan Majlis Anugerah Perkhidmatan Cemerlang dan Anugerah Sanjungan Universiti 2014 di Dewan Besar, UTeM. Majlis yang bertujuan untuk meraikan staf-staf yang terpilih sebagai penerima Anugerah Khas Universiti, calon penerima Pingat Perkhidmatan Cemerlang (PPC), penerima Anugerah Perkhidmatan Cemerlang (APC) dan penerima Anugerah Jasa Bakti (AJB).

2.0 MAJLIS

2.1 Majlis Anugerah Perkhidmatan Cemerlang dan Anugerah Sanjungan Universiti 2014 akan diadakan seperti ketetapan berikut :

TARIKH : 4 JUN 2014
MASA : 8.30 PAGI
TEMPAT : DEWAN BESAR, UTeM

2.2 Sehubungan dengan itu, pihak Universiti telah menetapkan bahawa kehadiran ke majlis tersebut adalah **DIMESTIKAN** kepada semua staf dan Ketua Pusat Tanggungjawab (PTj) adalah bertanggungjawab untuk memastikan kehadiran staf di bawah seliaan mereka. Staf dikehendaki untuk merekodkan kehadiran masing-masing sewaktu pendaftaran dan setelah selesai majlis di Dewan Besar UTeM bagi membolehkan pemberian mata CPD dilaksanakan. Tuntutan mata CPD akan diuruskan oleh pihak urus setia.

2.3 Pihak Universiti memandang serius terhadap keterlibatan dan kehadiran staf di program-program atau majlis-majlis rasmi anjuran Universiti. Demi memastikan pihak Universiti menerima kerjasama dan keterlibatan staf sepenuhnya di program-program atau majlis-majlis rasmi anjuran Universiti, tindakan-tindakan susulan akan diambil terhadap staf yang tidak memberikan komitmen sepenuhnya.

2.4 Pihak Universiti juga berhak untuk memutuskan tindakan-tindakan yang bersesuaian jika didapati ada di antara staf yang tidak hadir ke program atau majlis-majlis rasmi utama Universiti tanpa sebab-sebab yang munasabah.

2.5 Atur cara majlis seperti di **Lampiran 1**.

3.0 ANUGERAH

3.1 Majlis pada kali ini juga, pihak Universiti bersetuju untuk mengadakan penyampaian Anugerah Sanjungan iaitu Anugerah Khas Universiti dan Anugerah Jasa Bakti.

3.2 ANUGERAH KHAS UNIVERSITI

Anugerah Khas Universiti merupakan anugerah yang diberikan kepada staf universiti yang beriltizam, terlibat secara menyeluruh dan sentiasa menyumbang kepada penemuan dan pembangunan ilmu, penjanaan nilai kemasyarakatan untuk universiti dan memenuhi aspirasi Institut Pengajian Tinggi (IPT) sebagai jentera pembangunan kekayaan Universiti dari dalam dan luar Universiti.

3.2.1 Syarat-syarat kelayakan:

- i. Menerajui secara holistik dalam penyelidikan dan inovasi serta perkhidmatan dan kepimpinan di peringkat jabatan mahupun luar universiti;
- ii. Telah menyumbang kepada badan universiti, negeri, profesional dan ilmiah;
- iii. Membawa impak secara langsung atau tidak langsung kepada warga universiti, masyarakat melalui aktiviti yang dijalankan;

- iv. Menunjukkan kecemerlangan yang berterusan dalam kepimpinan; dan
- v. Menghasilkan inovasi yang berkesan dalam tempoh lantikan.

3.2.2 Kriteria Pemilihan Anugerah

Dalam proses penilaian untuk penganugerahan, semua sumbangan kumulatif, anugerah dan pengiktirafan yang diterima semasa memegang jawatan akan diambil kira.

3.2.3 Insentif dan Hadiah

Nilai anugerah adalah RM1,000.00 berserta sijil penghargaan Universiti Teknikal Malaysia Melaka (UTeM).

3.3 **ANUGERAH JASA BAKTI**

3.3.1 Anugerah ini telah diluluskan melalui Mesyuarat Lembaga Pengarah Universiti Bil. 6/2013 pada 30 Disember 2013. Anugerah Jasa Bakti (AJB) merupakan anugerah yang diberikan kepada staf yang telah berkhidmat bagi tempoh genap dua puluh (20) tahun penuh dengan kerajaan tanpa mengambil kira cuti tanpa gaji dan tanpa terputus perkhidmatan termasuklah tidak kurang lima (5) tahun berkhidmat di UTeM.

3.3.2 Syarat-syarat kelayakan:

- i. Staf dalam semua kumpulan, gred dan kategori yang dilantik oleh mana-mana pihak berkuasa melantik, termasuk pihak yang diwakilkan kuasa oleh pihak berkuasa melantik berkenaan, untuk berkhidmat dengan agensi awam sama ada secara tetap, pinjaman, sementara atau kontrak. Ini termasuk anggota yang berada di atas tangga gaji dan syarat-syarat perkhidmatan di bawah Laporan Jawatankuasa Kabinet 1976, Sistem Saraan Baru (SSB) dan Sistem Saraan Malaysia (SSM);

- ii. Telah berkhidmat bagi tempoh genap dua puluh (20) tahun penuh dengan kerajaan tanpa mengambil kira cuti tanpa gaji dan tanpa terputus perkhidmatan termasuklah tidak kurang lima (5) tahun berkhidmat di UTeM;
- iii. Belum pernah mendapat AJB atau yang seumpamanya daripada mana-mana pihak;
- iv. Terdiri daripada semua kategori kumpulan perkhidmatan. Tiada had bilangan penerima;
- v. Pelaksanaan pemberian AJB ini diberikan sekali sahaja kepada staf Universiti yang berkecualan sepanjang tempoh perkhidmatan di UTeM; dan
- vi. Tiada rekod dan tindakan tatatertib.

3.3.3 Insentif dan Hadiah

Staf yang menerima AJB akan diberi insentif seutas jam dan sijil penghargaan.

4.0 TARIKH KUAT KUASA

Pekeliling Pentadbiran ini berkuat kuasa dari tarikh ia dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bpo

**ATUR CARA
MAJLIS ANUGERAH PERKHIDMATAN CEMERLANG DAN ANUGERAH
SANJUNGAN UNIVERSITI TEKNIKAL MALAYSIA MELAKA**

Tarikh : 4 Jun 2014 (Rabu)

Tempat : Dewan Besar, Universiti Teknikal Malaysia Melaka

- | | |
|--------------|---|
| 8.30 pagi | <ul style="list-style-type: none">- Kehadiran semua staf UTeM- Pendaftaran Penerima Anugerah Khas Universiti 2013- Pendaftaran Calon Penerima Pingat Perkhidmatan Cemerlang 2013- Pendaftaran Penerima Anugerah Perkhidmatan Cemerlang 2013- Pendaftaran Penerima Anugerah Jasa Bakti |
| 9.15 pagi | <ul style="list-style-type: none">- Ketibaan Pegawai-Pegawai Kanan Universiti |
| 9.25 pagi | <ul style="list-style-type: none">- Ketibaan Naib Canselor UTeM
YBhg. Profesor Datuk Dr. Ahmad Yusoff bin Hassan- Nyanyian:<ul style="list-style-type: none">• Negaraku• UTeM Terbilang• Kualiti- Bacaan Doa- Ucapan Naib Canselor UTeM
YBhg. Profesor Datuk Dr. Ahmad Yusoff bin Hassan- Majlis Penyampaian Anugerah:<ul style="list-style-type: none">• Anugerah Khas Universiti• Calon Pingat Perkhidmatan Cemerlang• Anugerah Perkhidmatan Cemerlang• Anugerah Jasa Bakti- Sesi bergambar Penerima Anugerah bersama Naib Canselor |
| 12.00 t/hari | <ul style="list-style-type: none">- Majlis bersurai |

Pakaian : Formal dan Jaket Korporat